



---

## KOMUNIKADO PA PRENSA

---

### AVION DI ORKAN LO BISHITÁ BONEIRU I SINT EUSTATIUS

Tur aña *National Oceanic and Atmospheric Administration* (NOAA) den kooperashon estrecho ku *United States Air Force Reserve* (USAFR) ta organisá e asina yamá *Caribbean Hurricane Awareness Tour* (CHAT). Riba e gira aki, un avion di orkan (*Hurricane Hunter*) di USAFR, ku tin su base na Biloxi, Mississippi, lo baha na vários pais òf isla den nos region. Na kada lugá ku e avion bishitá, okupantenan di e avion aki e or'e'i lo informá habitantenan i outoridatnan di e paisnan aki di e peligernan relashoná ku pasashi di siklon tropikal den bisindario òf over di islanan òf áreanan kostal. Di e manera ei, nan lo oumentá nan konsientisashon riba e peligernan i konsekuenshanan di e sistemanan aki.

Den pasado, vários isla ku ántes tabata forma parti di Antianan Hulandes, a haña bishita di un avion di orkan, manera por ehèmpel Aruba na aña 2000, Kòrsou na 1990, 2006 i 2011 i Sint Maarten na 2003? i 2012. E aña aki CHAT lo bishitá dos otro isla di Karibe Hulandes, ku te awor nunca ainda a mira un avion di orkan: Boneiru i Sint Eustatius. E avion di orkan tipo WS-130J lo ta presente promé na Airopuerto Flamingo na Boneiru, dia 22 di aprel, entre di 11'or di mainta i 3'or di atardi i despues na Roosevelt Airport na Sint Eustatius, dia 24 di aprel entre di 2'or i 4'or di atardi.

Riba tur dos isla, poblashon i outoridatnan lokal por drenta den e avion aki i topa ku tripulashon di e *hurricane hunter* i algun meteorólogo i spesialisista di National Hurricane Center na Miami, inkluyendo su direktor, Dr. Richard Knabb. E ekspertonan aki di siklon tropikal, via di ekshibishon i presentashon lo informá mas tantu hende posibel riba e peligernan ku siklon tropikal ta presentá. Nan lo mustra tambe kon e avionnan aki ta bula dor di e orkannan mas fuerte, pa asina investigá desaroyo i struktura di e sistemanan aki.

Ademas di e okupantenan di e avion *hurricane hunter*, representantenan di organisashonnan lokal, manera Brantwer, Servisio Meteorológiko Kòrsou i Krus Kòrá tambe lo ta presente na airopuertonan di Boneiru i Sint Eustatius. Nan lo duna informashon adishonal riba siklonnan tropikal, inkluyendo kon pa prepará pa menasa di e sistemanan aki i tambe kon pa dil ku konsekuensha di nan impakto.

Sigun fecha di e eventonan spesial aki yega mas serka, lo duna mas informashon, via di medionan di komunikashon lokal, riba unda eksaktamente lo parker e avion aki na airopuertonan di Boneiru i Sint Eustatius.